

Հ Ա Շ Վ Ե Տ Վ ՈՒ Թ Յ ՈՒ Ն

Մարզպետարանի աշխատակազմի քաղաքաշինության վարչության 2016

թվականի առաջին կիսամյակում կատարված աշխատանքների մասին

2017-2019 թթ. միջնաժամկետ ծախսային ծրագրագրերի հետ կապված քննարկումներ ենք անցկացրել և կատարել համապատասխան ճշտումներ ՀՀ քաղաքաշինության և ՀՀ էներգետիկայի ու բնական պաշարների նախարարությունների հետ:

2015-2018 թթ. քաղաքաշինության բնագավառում քառամյա զարգացման ծրագրի հաստատման հետ կապված աշխատանքներ ենք տարել մարզպետարանի աշխատակազմի զարգացման ծրագրերի և վերլուծությունների բաժնի ինչպես նաև ՀՀ տարածքային կառավարման և արտակարգ իրավիճակների նախարարության համապատասխան վարչությունների հետ:

Աշխատանքներ ենք տարել ՀՀ պետական բյուջեով իրականացվող վարկային և դրամաշնորհային ծրագրերով իրականացվող օբյեկտների ընտրության, փաստաթղթերի հավաքագրման, համայնք-կազմակերպություն համագործակցության գործում:

18.06.2015թ. N 673-ն որոշումով Ջերմուկ քաղաքի Արփա գետի կիրճի հետիոտն ճեմուղու վերակառուցման և բարեկարգման համար հատկացված 157.66 մլն. դրամի շրջանակներում պայմանագրեր է կնքվել 153.295 մլն. դրամ, որից 2015թ-ին կատարվել է նախագծային աշխատանք-1.95 մլն. դրամի և 20.83 մլն. դրամի շինարարական աշխատանքներ:

2016թ-ի առաջին կիսամյակում կատարվել է 36.28 մլն. դրամի շին. մոնտաժային աշխատանքներ:

Օբյեկտի շինարարությունը ընթացքի մեջ է:

ՀՀ պետական բյուջեով Վայք քաղաքում իրականացվել է «Արևիկ» մարզադաշտի հիմնանորոգման -60.0 մլն. դրամ և մարզադաշտին կից այգու բարեկարգման 60.0 մլն. դրամի աշխատանքներ:

Գյուղական համայնքների տնտեսական զարգացման ԾԻԳ պետական հիմնարկության միջոցներով մարզի Մալիշկա, Արենի, Վերնաշեն, Ելփին, Արին, Ազատեկ, Գետափ, Ռինդ, Հերիեր և Գոմք համայնքներում իրականացվել և իրականացվում է ջրամատակարարման գազիֆիկացման և ոռոգման համակարգերի կառուցման և վերակառուցման աշխատանքներ 1658.85 մլն. դրամի:

ՀՄՆՀ-ի միջոցներով իրականացվում է Զառիթափ համայնքի մանկապարտեզի շենքի հիմնանորոգման աշխատանքներ: Գումարը 141.99 մլն. դրամ: Աշխատանքներն շարունակվում են:

Գյուղ նախարարության ԾԻԳ պետական հիմնարկի միջոցներով իրականացվում է Աղնջաձոր, Ռինդ համայնքներում արոտավայրերի ջրարբիացման համակարգերի կառուցման աշխատանքներ: Գումարը 106.4 մլն. դրամ: Աշխատանքներն ընթացքի մեջ են:

Բնության համաշխարհային հիմնադրամի Հայաստանյան մասնաճյուղի միջոցներով Եղեգնաձոր քաղաքում կառուցվում է այցելությունների կենտրոն – 32.447 մլն. դրամ, իսկ Գետափ համայնքում մրգի արևային չորանոցի կառուցման աշխատանքներ – 20.0 մլն. դրամ: Աշխատանքներն ընթացքի մեջ են:

Վերջին օրերի սրբեր բարեգործական կորպորացիայի միջոցներով Ռինդ և Խնձորուտ համայնքներում իրականացվել են խմելու ջրի վերանորոգման աշխատանքներ -9.792 մլն. դրամ:

«Ֆուլեր տնաշինական կենտրոն» ԲՀԿ –ի միջոցներով Շատին, Թառաթումբ, Հորս, Քարագլուխ համայնքներում իրականացվել են արոտավայրերում խմոցների տեղադրման աշխատանքներ- 14.5 մլն. դրամ, իսկ Ռինդ համայնքում իրականացվում է մրգի սառնարանի վերակառուցման աշխատանքներ-7.0 մլն. դրամ:

Համայնքային բյուջեի միջոցներով Գնդևազ համայնքում իրականացվում է ոռոգման ջրագծի վերակառուցման աշխատանքներ- 120.5 մլն. դրամ:

Ընդամենը մարզում 2016թ-ի առաջին կիսամյակում իրականացվել է 1691.394 մլն. դրամի շինարարական աշխատանքներ:

Ճարտարապետության բնագավառ

2016 թվականի առաջին կիսամյակում աշխատանքներ է տարվել մարզի բնակավայրերի պարզեցված գլխավոր հատակագծերի մշակման ուղղությամբ: Սարավան համայնքի նախագծային առաջադրանքը, Ելակետային նյութերի ցանկը և ավագանու որոշումը ուղղարկվել է ՀՀ քաղաքաշինության նախարարություն, իսկ Գնդևազ համայնքի պարզեցված գլխավոր հատակագծի պատվիրման համար պահանջվող փաստաթղթերը մշակման փուլում են:

2016թ. առաջին կիսամյակին հիմք ընդունելով ՀՀ փոխվարչապետը տարածքային կառավարման նախարարի 2013թ. դեկտեմբերի 19-ի N 12-ն և ՀՀ քաղաքաշինության նախարարի 2013թ. դեկտեմբերի 4-ի N 371-ն համատեղ հրամանը վարչական հսկողություն է իրականացվել մարզի 3 քաղաքներում և 12 գյուղական համայնքներում, իսկ հունիսի առաջին շաբաթվա ընթացքում մարզպետարանի աշխատակազմի քաղաքաշինության վարչությունում տեսչական ստուգումներ է իրականացվել ՀՀ քաղաքաշինության նախարարության քաղաքաշինական պետական տեսչության կողմից:

Քաղաքաշինության վարչությունը աջակցում և աշխատանքներ է տանում վարչական հսկողությամբ համայնքներում հայտնաբերված բացթողումները շտկելու և ՀՀ կառավարության որոշումներով նախատեսված գործառույթները կատարելու ուղղությամբ:

Առաջին կիսամյակի ընթացքում գյուղական բնակավայրերում անհատական բնակելի տների կառուցման նպատակով տրվել է 5 հատ բազմակի օգտագործման համար նախատեսված բնակելի տների նախագիծ 2 հատ ջերմոցային տնտեսության նախագիծ:

Նշված ժամանակահատվածում քաղաքաշինության պետական տեսչության Վայոց ձորի մարզային բաժնից ստացվել է թվով 2 ԱԿՏ, իսկ համայնքներից ստացվել է շինարարության 26-ը և քանդման 4 թույլտվություն:

Ուսումնասիրվել է թվով 4 մանկապարտեզների կողմից զբաղեցրած շինությունների տեխնիկական վիճակը և հայտնաբերված թերությունների ուսումնասիրության հետևանքով առաջարկվել է լուծումներ:

Բոլոր համայնքներին պարբերաբար տեղեկացվել է քաղաքաշինության բնագավառում օրենսդրական ակտերում կատարված փոփոխությունների մասին և

ուսումնասիրվել է համայնքներում կայացված որոշումների (քաղաքաշինության բնագավառում) համապատասխանությունը ՀՀ օրենսդրությանը:

Ջրամատակարարման, ջրհեռացման և կոմունալ տնտեսության բնագավառ

2016թ-ի առաջին կիսամյակում շարունակվել է ՀՀ կառավարությանն առընթեր «Գյուղական տարածքների տնտեսական զարգացման ծրագրերի իրականացման գրասենյակ» ՊՀ-ի հետ համագործակցությունը, որի արդյունքում ավարտվել է Մալիշկա համայնքի գազիֆիկացման ընդլայնման աշխատանքները:

Ուսումնասիրվել և քննարկվել է ՀՀ առողջապահության նախարարության կողմից բնակչությանը տրվող խմելու ջրի որակի մոնիթորինգի արդյունքները:

Առաջարկվել է համայնքի ղեկավարներին անկանխատեսելի հետևանքներից խուսափելու համար պայմանագրեր կնքել ՀՀ առողջապահության նախարարության հիվանդությունների վերահսկման և կանխարգելման ազգային կենտրոն ՊՈԱԿ Վայոց ձորի մասնաճյուղի հետ:

2016թ-ի առաջին կիսամյակում մարզում խմելու ջրի հետ կապված բռնկումներ չեն արձանագրվել:

«Հայջրմուղկոյուղի» ՓԲԸ Հարավային տարածքային մասնաճյուղի կողմից նախատեսված 80016.64 հազ. դրամից հավաքագրվել է 744888.75 հազ. դրամ, որը կազմում է 93.1%-ը:

«Հայռուսգազարդ» ՓԲԸ-ի կողմից բաժանորդների թիվը ավելացել է 30-ով, որից 11 բազմաբնակարան շենքերի բնակարաններն են, իսկ 19 անհատական տներ: Անվտանգության ապահովման համար տեղադրվել է 30 անվտանգության համակարգ:

Մարզի 3 քաղաքներում կոմունալ ծառայությունների համար նախատեսված 23311.57 հազ. դրամից հավաքագրվել է 21938.0 հազ. դրամը, որը կազմում է 91.1%-ը:

Մարզի 3 քաղաքային և 41 գյուղական համայնքների ղեկավարների հետ համագործակցելով հավաքագրվել են համայնքներում առկա հիմնախնդիրները, որոնք պարբերաբար թարմացվում են:

ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԱՇԽԱՏԱԿԱԶՄԻ

ՔԱՂԱՔԱՇԻՆՈՒԹՅԱՆ ՎԱՐՉՈՒԹՅԱՆ ՊԵՏ՝

Ա.ՀՈՎՍԵՓՅԱՆ

